



12. august 2011  
25. januar 2011

UKA 2011/23  
UPA2011/45

Inatsisartut Suleriaasianni § 33 naapertorlugu aalajangiiffisassatut siunnersuut imaattoq matmuuna saqqummiuppara:

**Naalakkersuisut peqquneqarnissaannik Inatsisartut aalajangiiffisassaattut siunnersuut Naalakkersuisut kingusinnerpaamik FM12-mi peqquneqassasut siunnersuusioqqullugit, taamaasilluni illup tunineqarnerani iluanaarummiik akitsuummik akiliissarnissaq eqquneqaqqullugu taarsigassarseriaaseq 20/20/60 atorlugu illut sanaat tunineqarneranni nalingata affaa aallaavigalugu, illup napparnerani pisortat taarsigassarsitsisartullu namminersortut taarsigassarsiissutaat sinnerlugit iluanaaruteqartoqarsimappat.**

(Inatsisartunut ilaasortaq Justus Hansen, Demokraatit)

**Tunngavilersuut:**

Siunnersuutip matuma siunertaraa pisortat aningaasaleeqataaffigisaannik illuliortoqartillugu iluanaarniapiluttoqartannginnissaa.

Inuiaqtigiiittut siunertaraarput, sapinngisamik amerlanerpaat nammineq illoqalernissaat, taamaattumik isumassarsiatsialavoq, illuliormerut atatillugu pisortat pitsaasunik taarsigassarsitsisinnanissaat. Taarsigassarsitsisarnernili taamaattuni ajornartorsiutaavoq, arlalissuarnik assersuissaqarmat, pisortanit taarsigassarsitinneqarluni illumik inissiarsuarnilluunniit sanaartortoq, illuliani naammassillugillu tuniseqqipallattarnera annertuumik iluanaaruteqarluni.

Demokraatini isumaqarpugut, inatsisiortutut inatsisissat akuersissutigigatsigit siunertarinngilluinnaripput, iluanaarniapilutartut illunik pisortat aningaasaleeqataaffigisaannik tunisinermiinni iluanaarujuussuartarnissaat. Demokraatini isumaqarpugut, illut ukiut marluk siullit qaangiuttullu tunineqassappat, taava illut sanaat tunineqarneranni nalingata affaa aallaavigalugu, illup napparnerani pisortat taarsigassarsitsisartullu namminersortut taarsigassarsiissutaat sinnerlugit iluanaaruteqartoqarsimappat, iluanaarutip akitsuutaanik akiliisoqartalissasoq.

Tamanna assersuusiorfigineqarsinnaavoq imattumik: Illuliortoqarpoq pisortat namminersortullu taarsigassiissutaat 1.000.000 kroner atorlugit. Illup naammassineraniit ukioq ataaseq qaangiuttorlu illu tunineqarpoq 1.500.000 koruuninik akeqartillugu. Tunisinermi iluanaarutip 500.000 koruuniusut affaat pisortat aningaaseriviannut akiliutgineqassaaq.

Taarsigassarsitseraatsit assigiinngitsut assersuutigalugu 20/20/60-ip il.il. siunertaraat innutasut nammineq illutaarnissaminnut ikorfartorluarneqarnissaat, taamaattumik sussaanngilaq aaqqissuussinernullu aserorterutaalluni, taarsigassarsiteraatsinik iluanaarniapilutartut atornerluis-



arneri. Taamaattumik Demokraatini isumaqarpugut piffissanngortoq, inatsisiliortartutut akuliun-nissaq, ilunaarniapiluttartut taarsigassarsitseriaatsinik atornerluisarneri unitsinniarlugit

**Pisortanut aningaasaqarnikkut allaffissornikkullu kingunerisassai**

Nalilerneqarpoq siunnersuut pisortanut aningaasatigut kinguneqarumaartoq, inatsisip allan-nguutaa suliarineqartussammat, nutserneqartussammat il.il. kingornalu tusarniutigineqarluni. Inatsisisatut siunnersuutip suliarinera taamaasilluni allaffissornermi nukinnik atuisussaavoq. Isumaqartoqarporli 2011-mi aningaasanut inatsit aqqutigalugu suliamut taamaattumut aningaasa-liisoqareernikuusoq, kontu pingarneq 70.00.01 Ineqarnermut, Attaveqarnermut Angallanner-mullu Pisortaqaqrifimmi allaffissornermut 2011-mi atugassat 600.000 koruuninik ilaneqarnikuum-mata, ineqarnermut inatsisit naleqqussarnissaannut atugassanik. Una siunnersuut sulianut taak-kununnga ilanngunneqarsinnaavoq.

**Inuuussutissarsiornermut aningaasaqarnikkut allaffissornikkullu kingunerisassai**

Siunnersuut aningaasatigut allaffissornikkullu namminersorlutik inuutissarsiortunut kinguneqas-saaq, siunnersuuteqarnikkut sinertaammat, sanaartornerup iluani pilersinneqartartut iluanaarnia-piluttartut iluanaarutaasa ilaannik akiliisitsisalernissaq kiisalu killilersuinissaq.

**Innuttaasunut aningaasaqarnikkut allaffissornikkullu kingunerisassai**

Siunnersuut aningaasatigut allaffissornikkullu innuttaasunut imatut kinguneqassanngilaq, kisiani innuttaasut, illup iserterfigisinnaanngorneraniit ukiut marluk iluanni landskarip aningaasale-eqataaffigisaannik illumik tunisisut, annikinnerusumik pissarsidalissapput ullumikkut periarfissa-rititaasunut naleqqiullugu.

Taamatut oqaaseqarluta Naalakkersuisut akissutissaat qilanaarlunga utaqqissavara kiisalu partii-nit allanit oqaaserineqartussat aamma qilanaarlunga utaqqillugit.